


Fesoasoani i se tasi o umia le laisene faataitai ia pasi lana suega

DRIVE

O le aogā e fai ai le suega aveave taavale mo le laisene tapulaa e iloa ai le lelei o le faaoga o le malamalama i tulafono aualatele ma le aveave saogalemu.

O lou tulaga faafaiaoga, lou mautinoa o tulaga moomia mo le suega o se laisene tapulaa e mautinoa ai e leai se mea ua misi.

Faitau le aotelega o tomai autu o tulimatai e le fai suega.



Autilo

E tatau na autilo i luma ma autafa e iloa ai lamatiaga e ono tutupu, e aofia ai taavale feoai i fetaulaigāala i luma atu e ese mai le aualatele autu. E iloa se avetaavale lelei e tau le 12 sekone le mamao o le autilo i luma atu. E lava ma fetau ai le taimi e fuafua ai se gaioiga mo se mea e ono tupu.



Autilo i le faata ma faliu i tua

E tatau na autilo i faata e siaki ai feoaiga i le auala ma faliu i le itu tauau e tatau na autilo ai pe a tatau ai. O lona uiga e autilo i faata ma faliu le ulu e siaki ai (pe a talafeagai) a o:

- liliu
- sui le laina
- solomuli ma tau faasa'o i augutu o le auala
- alu i le solo taavale
- paka
- taofi
- alu faasasa'o (e iloa lelei atu ai taavale o feoai ifo).



Tulafono aualatele

E tatau na ia iloa tulafono aualatele ma faaoga tulafono i le taimi atoa o fai ai le suega.



Vaai se avanoa

E tatau na ia vaai se avanoa muamua lava e faaofiofi atu ai i taavale feoai pe a uma na autilo ma vaai lelei se avanoa i taavale o agai mai. E lē tatau na faaofiofi pe a lē telē se avanoa e alu ai.



Taofi

E tatau na ia taofi lelei le taavale i tulaga uma.



Saoasaoa e alu ai

E tatau na ave le taavale i le saoasaoa e saogalemu ma e lē o masau tele. E sili ai le faalemu teisi mai le saoasaoa faatapulaa o tusia i se faailo laupapa, aemaise pe a leaga le tau, tau leiloa se mea i le leaga o moli po o le pisi o taavale feoai. E tatau na ia ave le taavale e tusa ma tulaga ua iai. E lē tatau na tu faafuasei le taavale i soo se taimi.



Faamemo le moli

E tatau na ia faamemo le moli mo le 3 sekone a o le i sui le itu auala e alu ai le taavale. E aofia ai taimi e solomuli pe tau faasa'o ai i augutu o le auala, liliu, sui le laina, taamilo i se magāala, a o alu le taavale, ma faasolomuli e paka le taavale.

Manatua: e iai magāala faataamilo lauiti, e lē atoa se 3 sekone e faamemo ai le moli.



Faatulaga

E tatau na ia faatulaga le tino o le taavale i luga o le aualatele i se faiga saogalemu ma ua faatulafonoina i le taimi atoa o fai ai le suega. E aofia ai le sa'o o le laina e alu ai le taavale e tusa ai ma se faatonuga, fetau lelei le va o mulimuli ai e tusa lea ma le 2 i le 4 sekone le mamao ma e fuafua i tulaga ua iai, ma o fetau le mamao e pasi ai ma tagata tietie uila, taavale o paka ma taavale feoai i isi laina.